

**Mügllichen bericht an  
die zu Zwickaw: vō wege vrer wunder  
barlichen vnd vnerhorten hand**

lung: mit dysen angetzeygt werden.

Die güeten vnd pösen Christen.

wie sie sich gegen Gottes  
wort halten. Anno

dn̄i. M. S.

XXIII.

Durch Johann Locher von  
München.



Seinen allerliebste her=  
ren vnd freunden Burgermeystern vnd  
des Raths. Dennen zu Zwickaw/Entbeüt Jo:  
hann Locher/Gnad vnd verharung  
yn Christo Ihesu Amen.

Fursichtigen/Erbar/Wolgeacht gros  
Lgünstige Herren / vnd außervölte glyder Christi/  
Auß gnaden gottes wer ich langst gesint gewesen/ Et:  
was zu schreyben/wider alle die / die sich also freuenlich  
vnd vnuerschampt/ Euangelisch vnd nachfolger / der  
yetzigen wider erhobnen göttlichen lere/trutzlich scheltē  
hatsich nye wöllen zymlich schicken / von wegen ander  
vnbequemlichkeyt vnnnd anligenden sachen/vertzogen.  
Die weyl mir aber von vilen Redlichen Wennern vnd  
dapffern freunden. E. E. W. mer vnerhörtes vnd höch:  
stes fürnemen/nit weniger der tharten / angezeigt / ist  
worden/vnd an frembden ortten mich söllichs erindert/  
mit dem ich verursacht wirdt/eins zu dem andern zūfas:  
sen (wie wol ich E. E. W. vnbeuust/villeycht eins teyls  
vast vnbeandt/Auch die sach ganz weytleüffig ist be:  
ruffen) den gunst vnd Brüderliche wolwellung nit hab  
mügen lenger ertragen/mit diser vnderseyd / ob es et:  
was Christlichs oder brüderlichen lieb gemeß erkandt/  
dasselbige dermassen angenomen / höchstes fleys/zū or:  
denlicher güte/meins versehens würdt reythen. Ser:  
halben Ich E. E. W. freüntlich vnd hertzlich bitt. Erst:  
lich ob etlich vnder eüch bewegt oder getroffen/ yn diser  
meiner vermanung ( die warlich nit on Eleyne ursach/  
das zū thun schuldig/diß meyn fürnemen/ An E. E. W.  
wissen vñ beuelch/ auß lieb vñ warheit darzū gedrungē)

A ij

das die selbigen das Creütz der schamrode/nit verachte  
wollen/dan wie vnnütz vn̄ schmächlich das vor der welt  
wirdt angezogen/vn̄ lystiglich herfür gestrichen/zü des  
negsten verachtung/also tröstlich vnd lieplich/wirdt es  
widerumb den verfolgten werden / die in diser erkentnis  
fest halten/So sie befinden-züfress vormalß gestraucht  
zū sein-vnd das gröst/so sie dan solliche berüftung erken  
nen/nach red vn̄ verhebung/der posschafftige vnerleüch  
ten/den layde wer von herten/das gottes gnad yn inē  
wircket/der selbigen losen leüt sich in keinen weg verhin  
dern lassen/Als dan̄ 15. 15. W. hörn wirdt / Herwiderüb  
zū dem andern teyl greysten. Etlich yn sunderheit/oder  
durch auß yn diser selzamen handlung stercken wirdt/  
wider die spayer vn̄ züscharff geschliffnen zungen/Sol  
15. 15. W. nit gedencen das diß vō mir kum vil weniger  
ich mich des volkumenlich vnderstee nach notturst über  
eüch zū schreyen wie sich wolgezymet/vnnd seer wol vcr  
dient hettet/dan̄ gütes kan man nit verloben/auch pō  
ses nit genügsam verachte. Darumb acht ich in keyner  
ley weyß/15. 15. W. sich fest daran zū setzen als wern sol  
lich redlich/vngewant tharten/auß Eworn krefft vn̄  
geschicklichkeyten erwachsen/ Ich wurde sunst mit di  
sem ein plossen gegen hoch verstendigen legen/mich sol  
licher dapffrigkeit zū vnderstee sollich löblich handln  
günstigen/vnd zū Tractiern/ Ich hoff aber got werde  
sein gnad geben / auch an ein Radt helffen greysten/  
den grossen last fürt zū brengen/ Vnd auf allen seyten  
besteen müge/ Darumb steckt das zil/vn̄ allen grunde/  
das die veindt Christi sehen vn̄ greysten mügen/also zū  
ainig geschende/durch das selbig erhalten/widerüb kern  
mügen. Darneben ander vnderweisen nit weniger gepes  
fert/Also mit diser windde der gwisheit/durch das wort  
gottes/ den pogen der vnendlichen liebe ( nit des nutz  
oder lobs) frölich aufspannen vn̄ verzagt zū dem zweck  
des Creütz daran die warheit hangt/schiessen/Dan̄ sich

mit anderst zu versehen ist/ es werde von tag zu tag dise  
handlung erkant vnd außgebreyt: Das jr vil vnd ich  
der Erste vns ganz abenttewrig vnerfarn bedunckt/  
als **E. E. W.** vernemen wirdt. Zum dritten vnd letzten/  
das **E. E. W.** auß gütwilligkeit ein aufmercken hab/ mit  
sambe andern versamlungē/ den es auch villeicht durch  
**E. E. W.** beuelch/ mit geteyle mag werden zu seiner zeit/  
hierynn zu erlernen/ die vnderscheyd der pōß vñ güttē  
Christen/ auff welllicher seytren/ **E. E. W.** steen wirdt/  
die selbigen nach vermōgen angeygen wirdt.

Nun dieweyl ym eingang der erlösung des Mensch-  
lichen geschlechts: das übergebeneyt wort Gottes/  
Christus Jesus vnser heyl/ gleych wie ein Segelbaum  
mitten in die welt/ an den stam des Creütz gesetzt/ vñnd  
bedertheyl / zum fall/ vnd der auffstehung/ auffgericht.  
Also das so oft man das heylig Euangelion / vñ das  
Creützwort predigen hört/ oder sunst Christliche ordnūg  
betrachte werden/ so müssen sich die leüt/ einweders dar  
an Argern oder pessern. Das dan mir vrsach gibe/ dise  
mein vermanung/ auff drey ort zusetzen.

Erstlich **E. E. W.** erkennen zu gebē/ die wiettedt fleysch-  
lich freyheit/ vnd was der selben gesellen leben vnd für-  
nemen/ für frucht brengen/ was darnon zuhalten sey.

Zum andern mein zetter vnd mordgeschrey/ über **E. E. W.**  
handlung / mit frag / verstandt / auch darüber  
mein manung/ dargeben/ was es doch sey.

Vnd zum lesten angeygen die welliche sich des Eua-  
gelij vnd Creütz Christi pessern.

Mit dem anfencklich für den ersten teyl volget zu er-  
kern wie Christus an dē Creütz disen zerstrete verman-  
ten Christen gesetzt sey / zu einem fall vñ Argernuß/ die

also vnfürsehen handeln on alle sorg vnd auffmercken/  
darynn dan die Brüderlich lieb geschwecht wirdt / kan  
man nicht paß vernemē / dan das man sollich leüt halt/  
gegen den frumen vnd rechtschaffnen Christen. Dar-  
umb das sy den zuwider / vn̄ die hauptstück eines Christ-  
lichen lebens ganz vmbthurn vnd verwandeln.

Den zu dem Ersten lernen sy für die heyligung des  
Christlichen glaubens / eytel verdienst güter werck / dar-  
mit sy vermeynen von sünden auff züsten / jr leben zu  
pessern für die sünd genüg züthun / vnd endlich sich an  
Christo frum vn̄ selig zümachē / So aber sollich rechtfer-  
tigung / an dē verdienst vn̄ glauben zu Christo / vor got  
nicht anderst ist / dan eytel sünd vnd verdammis / müs-  
sen von not wegen / sollich abgöttische vnd mißglaubig  
menschē mit yrem nerrischen kopff / von Christo vnd sey-  
nem heyligē wort nur tieffer yn die hende des Teuffels  
fallē. Die vermerck **E. E. W. E. bē** werdt sunst nit erken-  
nen mügē wo ich mit **E. E. W.** handlung hinaus welle.

Weytter über das obgemelt / vnd zu dem andern /  
stossen sie sollich possē Christen Auch an Christo vn̄ dem  
heyligen Creützwort / darumb das sy darauß entpfahē  
nicht die brüderlich lieb des nechste / wie die rechten Chri-  
sten / Sunder nur haß vnd neyd zu ym negsten / Als so  
man predigt / wie die geystlich Obrikeit mit ym anhäng /  
so gar übel yn heyliger göttlicher gschrift gegründet /  
vnd das die weltlich Obrikeit / mer zu Tyranny der  
Heyden / dan zu Christlichem schutz der armen gebrau-  
cht werde / So wollen dan sollich Tolle Christen / vnsin-  
nig werden / der geystlichkeyt nicht mer geben / vnd der  
weltlichen Obrikeit nymer gehorsam sein / Sichen kein  
mittel / so sie gleych als wol mie sünden vnd possheit als  
der wider teyl mit yrthumb / beladen sindt / Sollich yr-  
geschwind hyrn decken sie dan mit dem Euangelion vnd

Geistlich vn̄  
weltlich obri-  
keit

Christlicher freyheyt/ als thetten sie daran recht vñnd  
Christlich/ Wen aber sollich schwirm geyster betrachte-  
ten/wan her doch sollich verkerte obruteit geystlichs vñ  
weltlichs standts/entsprung/vñ wie sy auff kumen we-  
re in aller welt/wurden sy mer zur barmhertzigkeit über  
sie/dan zu zorniger raching verursacht vñ bewegt wer-  
den/Dan seynemals alle ding ym hymell yn der hell vñ  
auff erden/steen in der gewaltigen handt gottes / also  
das an seynen vngüttigen oder gnedigen willen/nicht  
das allerwenigist beschehen mag/So muß on alle zwey-  
fel sollicher mißbrauch der geystlichen vñnd weltlichen  
Obruteit/auß nichte anders herkommen/dan vñ dem zorn-  
nigen willen gottes der vñ/vñ vnser grausamen sünd  
willen/mit sollichen greülichen Prelaten gestrafft vñnd  
geplagt hat/haben dan wir sollichs mit vnsern sünden  
verdient; Vñnd ist ein sunderliche straff von got/über  
den gemeinen man; So wil vns Christen/mit nichte ge-  
zymen/eynig vngedult darynn zu tragen/ geschweyge  
dan mit feüsten darein zuschlagen.

Wöcht aber hie einer spreche vñ frage/so merck wir wol  
wen wir also alweg verharre- so nem dz affe spil/vñ plat-  
ten zyl/nymmer keyn endt/vñnd Christus vñnd sein wort/  
durch vnser zu sehen geschandt/ Mayn aller liebsten  
freündt/allein darumb wirt es widerfochten/ Darmit  
wir nit als vngheorsam dem willen gottes widerstrebe/  
vñnd die Küetten schörffer vñ dicker machten/Christus  
wirt sich gar meysterlich vñnd wol wissen an seinen vein-  
den zu reche/Dan wir lesen/wer mensche blüt vergeüßt/  
das blüt sol auch durch menschen vergossen werden/dan  
got hat den menschen zu seinem bildt gemacht/Wie we-  
re aber sollichen abzubreche darmit die sach fürgtieng/  
nit algeyt also veryrst stecken; Wir sollen jm also thun/  
vor allen dingen yn sollicher straff/vnser schuld vñ ma-  
nigfeltige mißthat zu hertzen fürn/got vñ vergebung  
der selbigen diemütiglich bitten/Vñ darnach vnser le-

Genesi. 9

Matth. 5.

ben/ein yetzlicher ynn seine standt/ besser: als dan vmb  
güt Regiment zu got schreyen/ das er die/ an wellichen  
(nach ym) vnser heyl/ vnd hilfliche volstreckung ist ge  
legen/welle erleuchten vnd begnaden/ darnach wir mit  
güttem Exempel/mit freündlicher crynderung/mit ge  
schufften yn dapffrikeyt/on alles heuchlen was die sel  
big erfödert/mit treffentliche ordnung vñ sätzung/ dem  
Creützwort gemess/ der Brüderlichen lieb vñ gemeinem  
nutz fürtreulich sollicher stuck vns fleysen/mit dē gieng  
es für/ on all schwert schleg/ So würdt auch an zwey  
fel sollich ernstliche straff gottes auffhörn/ vnd der göt  
lich fryd widerumb aller welt kündig werden/ Also ha  
ben gethan die heyligē Werterer/ also lernet auch Chri  
stus/ das wir sollen bittē für vnser veynde/ die vns übel  
thunt &c. Weytter: zu kumen/ von dem ynnerlichen  
zu dem eüsserlichen/ das ist zu der casteyung/ des leybs/  
so wirt die auch vō pösen Christen verkeret/ Dan so man  
auß dem heyligen Creützwort prediget/ wie man das  
fleysch dem geyst solt vnderwerffen/ yetz mit fastē/ yetz  
mit wachen/ yetz undt mit betten/ yetz undt mit arbeyttē/  
vnd nach dem ein yetzlicher zu der oder yhener sünde/  
mer geneygt ist/ sol er sich der selben widerthat/ dest er  
mer bestreyssen. Aber des alles vngacht/ sindt etlich ey  
gensüchtig mensche/ die wellens nit auffnemen zu einer  
übung des glaubens/ Sunder machen mit groalt laut  
ter güte werck darauß/ die inen got einweders zeylich  
oder Ewig vergelten soll / gleych wie ein knecht seynem  
herren nit vmb sunst/ oder außlieb / Sunder meer vmb  
verdienst vud belonung dienet/ Welliche so man sy mit  
dem Euangelion strafft/ vñ sagt/ das solliche yre werck  
vor got nichts anders/ dan gleyknerēy vñ gangklwerck  
sey/ So fallen sie auff die ander seyten zu/ vñ sind eben  
als nerrisch als vor/ vñ vermeyne sy thun recht vñ seind  
dan güt Quangelisch Christen/ wenn sy für das fasten  
fressen/ für wachen faulenzē/ für arbeyten müßig gen

für betten schweygen / oder vnnütz wort treyben / Mit dem Summa Summarū achten sy die gnad vñ Barmherzigkeit Gottes also groß / das sy jr sündt darfür kleyndunckē / ( verstet mich recht hye ich redt auf die verechlichkeit / dan sie sündigen ymer dahin auff die gnad Gottes / gleych als werden sy darumb güt Christen / das sy nitt gütte werck thün / So doch ein rechter lebendiger glaub / vnmüglich an gütte werck sein kan vñ wil / gleich wie ein rechter Brun an wasser.

Also erwischt man hie bey den Dñ / die fleyschlichen die sich vnder einē scheyn selbs melden / was thun sy diese gesellē / Des schalcks sindt sy vol / dan wie gemacht die ynprünstigen lerer sindt gefarn / also grüntlich vnd bescheydenlich das liecht widerumb angezint / das es füglicher vnd geschickter kaum het mügen anderst dargegeben werden / habē sy alweg vnd noch vō stundan / ein aufmercken gehabt auf diß / welliches sy bedunckē diene zu der freyheit des mißbrauchs / Vñ nit allein das / Sunder mit der feder yn schrift verfaßt / die plossen wort der prediger / darnach yn winckeln darvon disputirt / Weytter vmb bescheyd nit gefragt / Sunder nach ym neydischen köpffen / die vnuerstendigen bewegt / Zu auff rür / zwittracht / ergernuß ꝛc. mit falschlicher beklagung gegē der Obrkeit : Darauß aller augenscheynlicher vnradt erstanden ist / Das ein kindt mecht verstē / das die nit Christē ( ob sy schon getaufft ) sindt / vil weniger ein ernstliche mainung oder wellung ist / zu der warn erleüchtung zu kumen. Ursach / dan sy geben vor allen dingen für / vñnd sagen wir sindt frey / dürffen nymer gütte werck thün / des gleychen on ende gar vil / gebē des falschen fürbringens einen namen vnd schuldt / dem Apostolischen nachuolger Christi Martino Lucher / der hats solliche gelert / der gleychen ander mer / darüber man yn vñ solliche glyder Christikergert : Ich sag für all vnd für mich diser nachfolgenden maynung bestendig / das vns vn-

B

recht geschicht/vn solliche meüller/dürffen sy des Euan-  
geliums/nit berüemen/vnnd darauß pocken/mit yrer  
freyheyt/wann es ist mit ynnen weyt sel/ Das ist wol  
die maynung gewest/vnd noch/vnd fürtan alweg sein  
wirt/sich nit zu verlassen/vnd den grundt der seligkeyt  
darauß zu setzen/auff yre schwache/Wachtlose blinde  
werck/wann sie sindt nit genügsam/Darumb sie sol-  
lich Junckherm/der Papisten dick annemen/auß den  
außgenden Büchlein oder offentlichen Predigenn/zü  
klauben was ynnen dienstlich/zü vnaynigkeyt/vnnd  
Nach süderlich schätzen/vermaynen yn werde darauß  
volgen/nicht mer züthun/auch ander güttwillig zü ver-  
hyndern sich besleyssen: Wee sollichen: Ach Gott was  
soll ich von ynnen sagen/das Ewig wort: vnnd die  
krafft des Creüz saygen vnd lernen vns zü erfüllen die  
ganz Summa aller werck/was doch i zülieben vnsern  
geschancken Christum/vnnd den lautter omb sunst/  
Darumb nye keyn spitzleyn der erdicheen werck/weder  
von Got/noch durch all Propheten/vnnd von Christo  
selb/begerdt ist wordē der widergeltung/Noch sindt sie  
also truglich/wens möglich were/das Christus dyse  
überschwencklich/vnuerdiente gnad vnnd grosse gütt-  
willigkeyt/müest wider rüeffen/vnnd yren fleyschlichen  
wercken anhangen: vnnd die selbigen an dem soldt ab-  
rechen/Die armen wercker/die also blindt sindt/den  
rechten weg nit begreyffen wollen/von wellichen die  
rechten werck herfließen/Die Gott recht fertigt/gebeüt  
vnd annymbt/Als die/die geyebt werden auß der Brü-  
derlicher lieb/mit erzeygter Barmhertzigkeyt gegen  
dem nechsten/An wellichem nie alleyn alle güte werck/  
vnd die rechten hauptstück der selbigen/hangen/Sun-  
der die Propheten/vnnd die ganz erfüllung des gesetz/  
wie das außewelt Das Paulus lernet/Noch müß es  
als nicht seyn/Darumb sech ein yetweder zü wie er far  
vnd was er rede oder handel/Ich wyrd schier darüber

Roma. 13.  
Lucei. 9  
Iaco: 2

gantz entsetzt/ Dan gleych wie sy beschliessen mit den gü-  
ten werckenn/ also thunt sy ym auch mit andern/ das sy  
darunter begreyffen/ fallen gantz pald vmb von eyn-  
seytten auf die ander/ wo sie dan am maysten lufft mü-  
gen haben/ Sagen/ ey wir dürffen nymmer fasten/ bet-  
ten/ Auehörn/ Beychten zc. müssen nū auß den Clöstern  
lauffen/ Die pfaffen Leweyber nemen/ flaysch essen zu  
allen zeytten/ vmb niemant nicht mer geben / was dan  
yetz gehandelt wirdt / So doch der stuck keynes ist/ Es  
hab sein yntent vnd vnderchayd/ wie man sollich göt-  
lich freyheit wol vnd recht/ mit gütter gewissen / zu der  
selen seligkeyt müg brauchen/ vnd das selb gnügsam vñ  
überflüssig durch gschrifft der warheyt angezeygt ist/  
was gründe hab oder nit/ was sein müg oder nit/ vñ Sun-  
derlich dar bey die ort beweyst/ wo solliches wider gottes  
ordnung ist vñnd erscheynt. Nun het ich vermeynt der  
solliches verließ/ Sol das ander vñnd das pesser dar für  
treiben/ So lassen sy ains bey dem andern rüwen / vnd  
lernen nicht allein das nit/ das Got wil haben / als die  
lieb gegen ym vñ dem nechsten/ Sunder vergessen auch  
das sy gelernet haben/ Mit dem sy also roch / nachlessig  
vnd verdrossen Christen werden/ das mich yr erbarmet/  
wie wol an sollichen nit so gar sunderlich gelegen wer/  
das ist aber verdamlich/ das die andern bey solliche auf-  
ertzogen werdenn / also veralten / Ist dann das war-  
Synde sie also geschwinde vñnd listig auff müttwilli-  
ge freyheit / So ist wol zūbeklagenn yr leüchtuertig-  
keyt / mit der sye sich vndersteen / die vnuerstendigenn  
darmit zū fexiern / vñnd durch gespöt kleynmüertig zū-  
machen/ die gern den rechten weg lerten vñnd sich wey-  
sen ließen / dann sie sagen yn vor / so gar Ergerlich / an  
alle vernunfft vñnd grunde der gschrifft / wir wöllenn  
fleysch essen wenn es vnns eben ist zc. Vñn allem thun  
was vnns geliebt/ vnd vnserm Cörper sannft thut auch

vnsern Köpffen wol gefelt/vnnd die sindt am meysten/  
die wenig gen Predig kumen/kein puch an sehen/ allein  
was sy vō hörnsagen auß richten. Darumb were mein  
Radt/vnd freüntlich bitt/das die selbigen noch gmach  
fiern/ Wie es ist nit gnüg dassy sprechen/ Ich wayß  
das diß vnd das recht ist/vnd war / Ich hab von an  
dern gehört/der gleychen auch die prediger offenlich sa  
gen zc. Sunder (ich sag bey trawen vnnd glauben es ist  
nit kinder spil/darmit wir vmbgeen dan diß betrifft die  
seligkēyt) Sy müssen auch wissen/wen sy sollich freyheit  
brauchen/wo das in der gschrifft vnd yn yrem gewissen  
ein grundt hab/sunst werden sie felen/vnnd ander mit  
sambt ynen versüßn. Das mir meins teyls/zü disen zey  
ten nicht mer zühertzen gat/dan der myßbrauch von vi  
len/Den vō denen haben vnser veyndt /ein vrsach das  
sy sprechen/lecht zü was gütz auß des Lutherische hand  
lung kumbt/vñ von der freyheit die sy außschreyen/ die  
Lutherischen Büben thun es als/ist wol ein teyls war/  
man müß sich leyden/het Christus yr nur zwelff/war  
der ainein schalck /Aber endtlich die warheyt zü reden  
geschicht es vil/was zehen/zweyntzig hundert güt mach  
en/verderbt ainer der seinem thun keinen grundt schō  
pffe/ Ich hab der gesellen etlich gesehen/des mir von sol  
licher wegen in engeleus der nach rede begegert / dan  
wo man vnser ainem mit dem wenigsten zü mag/so er  
freüt mā sich darob/gleich als pald freündt als veyndt/  
yn wellichem fall/sich die wol haben zü für sehē/die yetz  
undt vnder der schalckhaffteigen welt / Loblich / götlich  
ordnung anfahen vnd erdencken/nit weniger die do pre  
digē. Item die auß den Clöstern lauffen/Es sey gleich  
Tuñ oder Mönich/auch die pfaffen/die Le weyber ne  
men/das diß nit vmb gütz willen/Erzoder wele fleysch  
licher lieb/oder auß vnrat beschick/der gleychen die am  
Freitag vnd zü andern zeyten fleysch essen zc. Dan wo  
sollich geschicht/Sunderlich yn disen stucken wider alte

Luther lert  
nicht vnre  
cht thun.

Keyn.  
Offen.  
Lindaw

gewonheit. So muß Entweders/da sein gottes geheiß  
oder erlaubnuß/grosse not/ oder furtan zu vermeyden  
die sündt/vñ redliche vrsach der gedungen gwissen/wa  
sollichs nit ist / erfolgt gwislich darauß die leychnu-  
tigkeit / Also wee dem der seinen negsten ergert/vñ der  
stuck sindt seer vil/auch ynn der gemeynden so man das  
volck vnderweyß/was sy bey der meß bedencken sollen/  
vñ zu we sy nutz sey zc.so kern sy das hinder herfür/bley-  
ben gar auß der kirchen. Item so man ynen sagt sy sol-  
len nymer wachs liecht bey dem tag auff stecken/Sollē  
nymer gemalt gözen lassen machen / nymer zu den hey-  
ligen geben / was dan bißher in vnütz weg gebraucht  
ist worden/das künden so maysterlich vermercken/Sye  
wollen aber nit annemē/woman sy weyß/das selb gelez  
das sy lange zeyt mißbraucht haben/furtan den armē  
zügeben/der ding vil/darvon wol zu melden grosser fug  
verhandē were. Es wurde aber hye zulang/versich mi-  
ch des mer als zuvil ynerfarung zu sein. / Aber darauff  
get der grundt hye mit einander/das die/welliche re-  
cht Christen begern zusein/werden in dem ein auffmer-  
cken haben/Keyner den andern vraylen/Sunder einer  
des andern gebrechlichkeit/mit brüderlicher vnderwey-  
ßung erhalten. Der erst also/der solliche Christliche frey-  
heit will brauchen/vnd das ein grundt hat (das dann  
sein will/so einer vmb sein handlung gefragt wurde/vr-  
sach wiß anzüzeygen) den nit verschmach oder veracht  
der noch roch ist/die genad des verstandts noch nicht er-  
langt hat/wie auch der heylig S. Pauls lert. / Hierwi-  
derumb der ander/wellichen freyheit/des Euangelion  
nit gelust zu brauchen/den vnuerwirt laß/der sein sach  
wayß zu verantwurtten / wann die heylig gschrift ist  
wunderbarlich ainem gibts/dem andern nymbt sy/dar-  
nach ainem yedlichen von Got verlyhen ist/wann der  
schwach mag nit alweg gleychen dem starcken/der dur-  
stig dem hungerigen / der vnwissent dem wissenden/der

Galat. 6

B ij

francē dem gesunden.ꝛc. Wann hye in diser welt/wirt  
kein gleychförmigkeyt werden/des fleysch des willens/  
vnd der natur/vil weniger der geyst mit disen dreyen  
überein mag kummen.

Wit dem ich auff meinen anfang antwort/wider die  
vnmessigen/die yn nichte keyn mittel süchen/haben sy  
geleert freyheyt zu dem myßbrauch/So mügen sie wol  
herwiderumb/Christliche freyheyt zu dem gütten vnd  
zu pesserung des nechsten lernen/on alle hynderniß der  
zeyt vnd gewonheyt/nit das ym ein yedweder selbs leb-  
vnd nutz sey / So dann einerein göttlichs werck/oder  
Christliche übung zu vngewanter zeyt wirt brauchen/  
wirt sein nechster gedencke das ist ein zeychen/dises men-  
schen/das yn Bot mit seinem geyst hat heymgesücht/so  
wird dan ein sollicher auch bewegt got vmb genad anzü-  
rieffen/also einer den andern/also zureden/vnbewart  
stupffen vnd üben/nit das der gesehen wöl werden/der  
gütz wirckt/Sunder außlieb den raytzen/der ym yn gü-  
tem sol nachuolgen/zü allen zeytten/das got mer ange-  
nem vñ gefelliger wirt sein/weder die gesatz zeit/stund/  
oder gewonheyt.

Also für den ersten tayll beschleuß/das sollichen alle  
mit einand/sy sindt gleych Heyden/Juden/oder falsch  
Christer/die es als verachten/wellichen weder zu ratte  
oder zu helffen schwär erkandt wirt/ Den selbigen ist  
der herr Christus vnd sein heylig Euangelium/gesagt  
vnd auffgericht/nur zu einem fall der sünden vnd me-  
rer verdammuß/Sarumb das sy sein göttliche wort vñ  
werck/nit wöllen annemen/oder das nit recht yn das  
hertz fassen/Wie dan das gantz Euangelium mer cyn-  
hertz wort ist/wenn ein mundt geschrey oder predig ꝛc.

Hie greyff ich trostlich zu dem andern tayl/der mich  
zu disem allem verursacht hat/darauff alweg mein ent

licher grunde stunde die vermanung zu L. liebe zuschrei-  
ben wo sol ich aber den anfahen was solich gedenc-  
en wo solich mich hin keren wie hoch sol ich mich ver-  
wundern was wil sich doch hie erheben Ich vergee  
schier vor freuden yn welliches menschen hertzen / ist sol-  
lichs ye mer yn drey oder vierhundert Jaren gestigen  
welliche orn habens mer gehört welliche augen haben  
dis zu vnser zeyten ye mer gesehen welliche Cronica  
bezeigt dis welliche Concilia oder vetter habensolichs  
ye beschlossen weller Bapst Bullen halte solichs in  
was sindt doch für Decret vnd Canones darauff bestee-  
tigt welliche vnder allen hohen schulen haben solichs  
Tractiert Wellicher Philosophus hat ye solichs be-  
greiffen mügen Wellicher Poet hat solich ye beschry-  
ben wellicher gemainer nutz vnder den Christen ist al-  
so wol betrachte worden yn sollicher gestalt / Hie beüt  
ich ynen allen trutz / nie auf L. L. W. Sunder für mich /  
solichs auch zuerhalte mit götlicher gschrifft vertraw-  
Dan sie hie all offenlich zu schanden vnd erkandt wer-  
den was sy für Christen sindt gewesen vñ noch ein teils  
sein. Vedocho den veynden Christi zu einem hon / wil ich  
dise handlung / nur ein gleychnis lassen gelten vnd nie  
den volltumen grunde / darauff ich gee / noch auff dys  
mal / also lang bis es widerfochten wirdt von L. L. W.  
misgünnern vnd nachredern Vñ glaub ganzlich / das  
dises fürnemen L. L. W. der güte nach nie verstanden  
habe Auch nit wol glaublich / das solichs vñ eines men-  
sche vernunfft / müg herkummen oder verfast werden /  
was ist es dann mecht eyner frage Das du ein solich  
vnerhörd ding also hoch angeüchst ach was solich lag  
weyter klagen der Quellendt lebendig Brunn / der  
schier gar aufgeschöpft vñd / versigen was / das ist  
der schwayß vñd harte arbeyt der Armen / die lange  
zeyt Erbarmlich alles daran habē gelegt / das sie über  
Lümen heeten / welliche brunnen niemant hat wollen od

Künnen rawmen/das er seinen gang het mügen haben/  
Also lang biß es auff E. herren vonn Zwickaw/hat ge-  
raycht/D wellicher hat sollich gnad vnder eüch erwor-  
ben. D welliche glaubige menschen/haben sollichs vmb  
got erbeten/ Das d heilig geyst also gewaltigklich hat  
angefangen vnder eüch zu regiern/was hat ewr. E. W  
dan gethan: Ir verschafft als ich hör/aufzütun den  
alten verrostenschatz Ihesu Christi/den widerumb zu  
paliern/vñ yn achtung zu halten/Darvon wir geschri-  
ben finden Math. 10. Do vnser Christlicher Bapst sey-  
nen jungern beualch/sy sollen alle güttat vmb sunst  
geben vnd thün/dan vmb sunst hette er yns geben- vñ  
sy das der massen entpfangen/ Das ist eben diß das  
ich will/was ist aber die vnerhört handlung/die ich also  
wunderbarlich ym anfang gemelt hab /vñd darüber  
ich schrey. Welchs all Prelaten/Wünch/Pfaffen vnd  
Tunnen ic. all geystloß/yrrer geytzigen kirchen/nit ha-  
ben mögen oder wellen verstehn das wirt das sein/das  
ich hore sagen/Wie E. E. der gemein also geneygt vnd  
fürtreglich sey/das ichs nit gnügsam beschreyben kan/  
Allein dise lieplich nachred an seer vil ortten vermerckt  
wirt/ Das so sie zwey versreyt haben/zü der E gryffen  
haben sy anderst erkandt wellen werden/haben sie müs-  
sen gelt geben-hat der Püester Syc zü samen verpun-  
den/hat gelt müssen da sein. Itē für die Brautmeh gelt/  
für das püchbüß gelt/von dem einleytten gelt/vö Kin-  
dern zü Tauffen gelt/vonn dem Sacrament reychen  
gelt/von den Todten gelt/wenn man die todten geholt  
hat gelt/dem Todten gröber gelt/für Vigilien gelt/für  
seelmeh gelt/ynn Suma in aller wirckung/kain andre  
sprach dan gelt gelt gelt/ Das ich hör es sey als abge-  
than/aufgehoben / der massen verordnet das diß alles  
lautter vmb sunst/nach gottes beuelch beschech/nit we-  
niger die dreyfigist/Farrag ic. gar verwandelt/für dz  
all woche/ein seelampyt yn der gemain gehalten wirdt/

mit fürbitt aller versammelten vnd beystendigen alweg  
vermischet mit dem wort gottes. Item all Presentz auff  
gehoben vnd gar ab/ All hoeres vnnnd geschrey der tagz  
zeyt/ yn das willker des pfarrers vñ der zugehörigen ge-  
sagt/ sie singes / lesens oder lassens/ alleinwelliche zeyt  
nicht verbracht wirdt (nach dem alten Thanhüser) so  
sollen sy die selb weyll/ die Francken vnnnd betriebten nit  
weniger die zwittrechtigen yn dem Felichen standt/ die  
zū eynigung vergleychen/ vermanen vnnnd helffen/ also  
heymlichen/ Wie loblich vnd wolangesehen / dan got  
wil die lieb des negsten/ vnser hertz nit das geschrey vñ  
geheyll/ In nit mer als vier opfer/ hat E. E. W. bleybē  
lassen/ das mich für güt angesehen bedunct/ von wegē  
der schwachen vnd einfeltigen/ das sie dester mer geur-  
sacht werden/ in die gemeyn zū kumen/ auch dar bey ge-  
denckē/ nit auff die schuldt des pfennigs oder heller der  
dan gar schlecht ist / dartzū dann/ als ich vermayn nie-  
mant gedungen wirt/ allein wie vorgesagt/ das sy sol-  
ten erkennen zū der gemain/ vnd in den Tempel der ver-  
samlung zū kumen/ verpflichtet sein/ daselbs das wort got-  
tes zū hōrn / yn der gemain für ein ander zū bitten/ das  
dan das kressigist gebett mag geacht werden/ vnd der  
gleychen/ vnd gar nicht von des opfers wegen / Ser-  
halben ich langst yn der feder bin gelegen/ darin vellei-  
cht mer vrsach vñ gschufft wurden vernumen werden/  
welliches dißmal dem nöttigern hatt müessen weychen/  
Darnit ich yn aber ein endt mach/ was geschicht dar-  
für: Als ich vernym so hab E. E. W. dem Pfarrer deß-  
halben einen dapffern soldt verordent/ daruon er dem  
Capelan vñ seinen helfern/ ein freyen tisch müß halten/  
vnnnd über das / yedlichem in sunderheyt sein bestymp-  
gelt/ für die oberzeltē müe in dem vernüfftiger abruich  
nit gespirt wirdt / ist das nicht: wo ist der gleychen yn  
vil Jaren erhört worden: was soll ich dan sagen vō der  
loblichen/ Schül/ aller zungen/ zū der seligkeit/ dieneht/  
C

daryn die Edel jugēt gepflantz dartzu pillich die Eltern  
genaygt solten sein/dan̄ da ist nicht anderst zu warten/  
dan̄ kunst vñ mit der zeit verstendig leüt/die zu gemay-  
nem nutz zubrauchen/nitweniger der Stat erlich/vñ ob  
schon da nicht anderst gelernet wurde/das die Edel zu-  
cht/so wirdt sie doch nit der wenigist thayll aller schätz/  
geachtet/auch d̄ aller pest eingang/so die zu verstandt  
kumen/gotzförchtig zū leben/Wellichs alles/so Christ-  
lich/vnd ordenlich bestalt/wie dan̄ yn der ordnung ver-  
numen wirt. Item was mag dan̄ gesagt werden vo ge-  
meinem kassen vñ Brüderlicher vnderhaltung/der ar-  
men d̄ der gleychen von andern vil Christlichen stucken/  
vnd das fürnemlich ist vnd gröste/das sich E. E. W. be-  
fleyt güetter hyrten/Christlicher vnderweyser od̄ predi-  
ger des gemaynen volcks/Darumb yr eüch als ich hör  
nicht tauren last die selbigen zu überkumen. D̄ glückse-  
lige gemain/wol eüch ymer wol/so eüch got sollich vor-  
geer vñ regenten hat verordnet/vñ die darmit begrad  
Wie solt sie pillich den wachtern genaygt sein zu gehori-  
chen so sie ein sollich götlich Regimēt fürn dürffen war-  
lich nit gedencen/das sie das allein/oder auß yrn Köp-  
fen thun/Sunder Got ist vngweyfflich mit yn/dan̄ es  
erscheynt auß den wercken (ich rede yetz mit mir selbs/  
darumb nem sie sein niemant an) Auch ob gleych dise  
gemain ein klein beschwert ist/yres anliges halb/müge  
wol noch ein kleine gedult tragen/dan̄ man ist schuldig  
vor allen dingen das reych gottes zu süchen das ander  
volgt hernach/das man auch mit der zeyt der gebirlich-  
keyt Stadt wirdt geben/von dem yn gemain ein ander  
mal.

Nun kan ich wol vermercken/das des dings zu pes-  
fern vnd zu verordnen seer vil ist/kan vñnd mag auff  
ain mal nit beschehen/Aber vnder allen stucken/wil ich  
E. E. W. erstlichen ains vermanen/So ich auff eyn  
zeit gen Zwickaw kam/in der Pfarz was/do hört ich ein

sollichß klingklängen/von allen glöcklein bey den meh:  
allern/als yn dem Pleuern oder erhebüg des Sacra  
ment / das ich mein wort des gebets kaum vernemen  
möcht / vor dem gehall / Das ich gedacht an einem dap:  
fern freündt / der mir auff ein mal seytc / wie auf ein zeit  
ein einfeltiger Baur / zü sollicher stundt in die Kirchen  
war kumen / het er nit auff all priester yn der Elevation  
des fronleychnam Christi / auf ein yeden ein auf sehen  
mögen haben / vnd ein yedwedern in sunderheit zü gries  
sen / hat er yn der gemein hyn ein gesagt / Send mir all  
will kumen lieben herren / Kan ich ym meins thayls nit  
verargen / dan es ist des spils zü vil / vnd verdriesslich /  
vñ dem wenigern tayl nutz / dardurch sollich grosse wer:  
ck / yn verachtüg kumen / das seer güet wer sollichß / in an  
der weyß vnd form zü stellen - Als ich mich versich / auch  
die selben gesellen / den bratten eins tails schmecken / vñ  
das ichs gar heraus sage / das ein yedweder sein Bene:  
ficium selbs Resedier / oder gar über geb. Velis / nolis.  
Den ich waiß kein freyer geschicklichkeit der geistlosen /  
dann von 4. 5. 6. 10. 20. herren soldt ein nemen / vnd yr  
Keynem dienen / Hye Teüßlichß grunde vnd poden.

Zum andern vernam ich / E. E. W. hertzlich vnd mit  
trewē - Also furt züfarn an alle bindnuß des mensche / woz  
habt yr doch thayls / mit des Römischen Bapst groß  
Mütter - oder irer Sunder Niclas Bischoffen / vnd  
anderer der gleychen plüt saugern / E. E. W. hat eyn  
versamlung vnd Cöunitet für sich selbs . Ir seydt nit  
Römer / walchen / Angeleser / oder Ezeytzer / yr seydt  
Zwickawer / geborn Teüßsch / warlich nit die lesten / die  
Christum vnd seyn heyligs wort haben angenumen /  
yn wellichen es dann krefftiglich regiirt / Das ir pil:  
lich ein spiegel werdt genent / aller vmbligender Stett /  
die vor eüch müessen schamrod werden / So sie ir nach:  
lesigkeyt werden erkennen / Nit weniger der grossen  
C ij

Stett ym Keych/ vnd yn allen Fürstenthumen/ do mā  
doch groß weltlich weyßheyt braucht/ Darbey Got nit  
want/ Sunder sein heymlich keiteroffnet er nur den Klei  
nen/ das ist den einfaltigen/ als er bey eüch erzeygt hat/  
Ob etlich nun darwider werden murren/ das ist nit zū  
achten/ dan die welt ist yetz also geschickt/ wen Christus  
selbs personlich wider kem/ etwas trostlichs auffrichtet/  
So blib es doch vnueracht nit/ Wer kan aber einer ye  
den mütter yr kindt ziehen verstendigen/ liebhabenden  
Christen/ kan man nicht verderben/ Aber die schwirmer  
lassen gottes lesterung nicht/ mir trembt yetzunder es  
werdt von losen vischern angefochten/ Amen/ ym namē  
gottes last her wischen/ die warheyt ist am tag/ wiewol  
ich der geringest/ doch als vil mir Got gnad verleycht/  
wil ich williglich mit allen meinen kressen/ mich zū di  
ser darsetzē/ mit dem schwert der warheyt/ wider solliche  
gshufflich zū kempffē trewlich verhelffen/ So hab ich  
auch vorlangst gehört das **L. L. W.** Also Euangelisch  
geschickte Wenner vnnnd Christlich freündt der warheyt  
vnd götlicher gshuffte anhengig/ yn diser Fürstlichen  
Stat sindt/ das ich mich versich/ yn aller hilf kein man  
gel erfunden sol werden/ wider sollich los leüt/ So man  
anderst warheyt wil hörn. Was mer/ So **L. L. W.** Also  
bestendig/ fürsichtiglich/ Dapffer/ vnnnd vn beweglich  
wirt steen/ mit ernst gottes gebot sūchen/ vnd die schul  
dig lieb Lurer gemain erzeygen/ So wirt erstlich/ Got  
gewislich ob eüch halten/ wan yn dem werd jr erkandt/  
das jr Schaff/ junger vnd freündt Christi seydt/ in dem  
So jr also geweltig seinen geheyß volg thunt.

Zum andern wirt des antzeygung geben so jr eüch als  
so vnder ein ander liebt/ das gemayner schaden/ wirt  
aufgehoben/ pessers sürgewendē/ das darauß müß vol  
gen/ das von tag zū tag zwischen Luch vnd der gemein  
grosse freüntschafft wirt erwachsen. Aber hie ist yn gros  
ser achtung war zū nemen/ das der Teüffel ein veyndt

aller warheit/vnder Luch; nit feyn wirt vil zühindern/  
Dān er ist der geschicklichkeit/daser sich nur vnder die  
fürnemisten mengt/die selbigen/zū vermengen/vermis-  
schen yn zwittracht. Zū wellichem list er alweg braucht/  
etzlich gotloß/vnder den geystlichen/als gelefischer/vn-  
gelert/aygensüchtig / die Christo vnd allem gūten ent-  
gegen sindt/nicht weniger bederley geschlecht yn ge-  
main/mans vnd weybs pild/die der abgötterischen fal-  
schen Menschen lere anhangen / gottes verachten/wie  
ich oben eins teyls hab angetzeygt/vñ nun weyrtter die  
überigen / als yn etzlichen Stetten die Weyber/das ich  
wol acht bey eüch auch nit gar lere außzügeen / die vi-  
pern vnd wachsen / Fetzern vnd vermaledeyen/So gar  
vnuer schampft die frumen Christliche prediger alle got-  
tes wort verkünder/das es gewlich zū hörn/vñnd wey-  
sen Wenner verächtlich/das man yn also vil lufft lest/  
ein schendlich ding von weybspildern - wie wol es also  
hoch nit zū achtē ist/dān es weybertading sindt/yedoch  
ist es ein sunderlicher werckzeüg/des Teuffels / zū ver-  
hindern gūtte werck / Es ist aber gemaingliche der sel-  
ben art/das sy mer achtung haben/auf Tleydt/geytz/  
hoffart/die lewt auß zürichten schenden/dān jr haußha-  
ben zū verrichten/yren Wennern zū dienen / yre Kinder  
zū ziehen/yre gesindt zum gogdienst zū halten ic. Sy vn-  
dersteen sich auch zū zeyten vil einhaltens vñnd wider-  
parts/daran sy wenig Ere erlangen / Das der heyllig  
Paulus wol vō yn wüßte/das sic eines zaums mer müs-  
sen haben/weder die Wenner/als er schreybt zū den Co-  
rinth: das sy sollen schlayer vmb die köpff haben / dar-  
mit sy drey Kincmeyr vor der zungen hetten als die  
zen/die lepsen/der schlayer/noch hilff es als nit sy pellen  
herdurch/darumb ich radt L. L. W. wölle L. Regimē  
mit sollichem giff/nit vermischen/ ynne ist in der ver-  
samlung gebotten zū schweygen/ Ich wayß auch das/  
weñ man sollich verzwungen gespillen - fragte vmb den

Ad Tit. 2.

1. Corint. 11

1. Corint. 14

aller geringisten thayl des glaubens / oder Christlich  
handlung vnd ordnung anzufahen / was das were /  
oder zu weme es gemainē man deuchen wurd / künden  
sie das maul nit auf thun / Hier eüch darvor / wo sie sind  
dān ynen ist keyn ander Regiment beuolhen / dān der  
Rocken ic. Ich rede von den schuldigen / darmit sie nit  
gar lere außgeen / Aber frum̄ gefelgig frawen / wie ynn  
dān gebürt / sindt alles lobs vnd Ern werde / Sarumb  
vnderweyßt sie / verman sie wie sant Pauls lert / Dann  
sie haben schlecht nicht zurichten got verleych yn die ges  
nad das sie es erkennen vnd versteeen mügen. Amen.  
Dān wān sollich handel nach vernufft vnd anschleg  
der weyber solten verricht werde / So wurd es pald an  
geen / das yr mit fledeln zu hauff lust / Also hab sich L.  
L. W. zu für sehen / von wann vermaynt yr / das do her  
kum das groß Regiment der alten Römer / vñ die stet  
ten fryd aller ordnung vnd fürnemens / das sie vil zeyt  
erhalten haben / Da her da sie ainig warn / jr frawen nit  
vil zu Radt namē / freüntlich nach natürlicher vernufft  
vnd gesatz / ainhelliglich beschlussen / darob also fest hiel  
ten / Das maniger ( Als Manlius ic. ) yrer selbst vil  
weniger der Kinder verschonnten / Das sie vor allen din  
gen die dapfferkeyt vnd dielieb zu der gemeyn hielten /  
das nicht wider die pillichkeyt wardt fürgenumē / So  
dān das Hayden an alle göttliche geschuffte haben ge  
than / was solt yr allerliebste brüder thun / die nit allein  
Gottes beuelch klar voraugen haben / Sunder die ge  
zeüchnuß. Der Element / werck / gschufft vnd warheyt /  
das dem also sein muß / das vns durch die alten der an  
fenclichen Christlichen kirchen / vnd durch die Marter  
aller außewolten ist bezeügte wordē / Das L. L. W. vr  
sach genüghat von wegen L. aller seligkeit / sich zu erzey  
gen als die gefelgigen Christi. Zum dritten vñ lesten /  
So L. L. W. also verfert / gib ich eüch haym zu bedencē /  
was Fre / lobs / freüde / gott wurd geben / vñ nit das fley  
nets stuck zu dem Triumph vnsers hauptmans Ihesu

Christi/nit weniger **E.** Christliche weltliche heuptern/dē  
frumen herre vō Sachsen/ Der gleiche **E. e. w.** zū ewiger  
seligkeit vñ gedechtnis wurd raychen/ **E. s.** ster auch wol  
darauf/ So dise löbliche ordnüg gar beschlossē wurd/  
yn ein besindere hilff vñ memori / den nachkumenden/  
durch die pest gedechtnis des duncts verlassen mag wer  
den/ Als dan vil begirig/ teglich diser ordnung/ sind ge  
warten vñ lanckmüttig verharre/ das güte were in irer  
hoffnüg nicht verkurtzt wurdē. Darnebē **E. e. w.** zū gemiet  
welle fürn/ was nachred/spot/nit weniger schadens die  
entpfangē habē/ die der obgemelte stuck eins teyls hattē  
angefangē/ vñ also schandlich/ Daruō gesatz/ dz Ein  
derlich pōß geplüt macht. Ich verseck mich im sey nū ein  
geniege auff dismal/ muß abbrechē/ darmit es **E. E.** nie  
zū verdriesslich werde / mit dē jr fragē mecht/ vō wem es  
mir doch kem/ oder was mich **E. e. w.** handlūg angien/  
dan die mecht vñ vielleicht keinen fürgang habē/ od in and  
weg fürgenomēn wurdē/ dz ich also fürwitziglich / auff  
dis fall. Hierin beger ich zūuersteen die bescheydenheyt  
S. Pauls/ d vns lert/ wir sollē alle ding probirn/ vñ erjue  
nern vñ w3 güte ist/ dz soll wir brauchē vñ halteē/ also hab  
ich ym hie auch gethan/ vñ noch fürtan thun wurdē/ So  
hab ich auch im anfang daruō gemelt/ diemüttiglich/  
dar fürgebettē/ darff auch **E. e. w.** nit anderst gedencē/  
wo ich sollich8 weytter erfarn/ vō mir vnerraten nit zū  
bleybē: Wie wol ich vorhin gewist hab/ Dises nach not  
turft nit herfür zū streychē/ vñ das güte gnügsam zū ver  
lobē/ Aber diser obgemelte frag auch gätzlich fürzükumē  
hat mich die warheit/ vñ e. e. w. güte lob vñ berüf/ darzū  
bracht/ darmit ich mein schuld bekenē/ dz auß trewer mai  
nüg zū besserung d obgemelte **E. w.** wundbarliche handlūg  
Ob die vnrecht wer/ dz sie gemert wurd/ dan mich bedür  
cke ye in meinē verstande **E. E. w.** hab besser vñ redlicher  
gehandelt/ (wen es schon als zū ruck gieng/ da got vor  
sey/ dann vil pesser wer/ es versinck zwickaw/ weder er  
gers/ vñ weytter wider gottes gebot gelebt solt wurdē)

1. The. 5.

ya zehenmal pesser dan die/die mit yrn Lehen brieffen/  
zum Teuffel sindt gelauffen/mit allein mit den selbigē/  
Sunder auch diser loblichen Comunitet zu Zwickaw/  
yrs Brüderschafft Brieff / Welliche auff das gefress/  
Sauffen/prassen/vnd zu schatzung der armen auffge-  
richt (die nit allein) got sey es geklagt/vñ nicht zu pes-  
serung/Ewiger speysung vnd enthaltung ein geleybet/  
Das nun fortan zu enthaltung etlicher person die zu  
versorgen angefangen/ya eben die selben Brieff weni-  
ger dan mit recht entpfrembde/die auch noch yrem vn-  
glück nach geen/got erleucht sy widerumb. Ob ich aber  
mit diser vermanüg nicht schaffte/hab ich doch darmit  
das mein gethan/die zeyt pesser dann vnnutz verzert/  
Sarnit ich zu dem beschluß Eyl/ob außdem überigē/  
ein frucht mecht erkandt werden.

Der dritte vnd letzte taylor/darauff ich A. P. W. hand-  
lung gründen will / also die/die sich des Creütz Christi  
pessern kurzlich yn drey stücklein thaylen/daruon eyn  
ganze Liberey geschriben mecht werden.

Anfenglich bessern sich die darauff / welliche darauff  
lernen/den rechten glauben zu Got. Zum andern hertz-  
liche liebe gegen yrn nechsten/Vnd zum dritten die dar-  
auff lernen vernüfftige Casteyung des leybs.

Erstlich sag ich / das sie auß der Euangelischen pre-  
dig/des Creützwort/begreyffen/den glaubē / dardurch  
sie kün vnd keck werden / all yr leben mit leyb vnd seele  
got alle zeyt zu vertragen yn trostlicher hoffnung vñ  
gütter gewiser züuersicht/er werde bedes leyb vñnd seel  
wol versorgen/nach dem einem yedlichem nottürfftig/  
vñnd seinem götlichem willen wollgefellig/es geschch  
wen vñnd wie er wil/yn dem allem stet er gelassen/vñnd  
lebet alleinder hoffnung/vnd genad gottes/wie in das

Euangelion lernet/daran lest er sich genügen/darumb  
seer gut were/diſ off in der predig zu hörn/zü üben/dan  
es ist ein wenig scharff vnd das für das erst.

Zum andern faset er auß der Euangelischen lere/yn  
brünstige liebe zü yederman/sunderlich zum neben Chri  
sten menschen/den selbigen ist er widerum got/das ist/  
güttig/genedig vñ wolthertig/wie ym dan got zü thun  
gebeut/vñd sein aygne natur eryndert/alles das ay  
nem andern züchün/das ich gern von ym haben vnd ge  
warren wolt. Vnd das ist sein fürnemlich ist werck/da  
mit er seinen glauben zü got beweyset/vnd darbey eyn  
junger vnd nachfolger Christi erkandt wirdt/vñ das  
für das ander.

Zum dritten/lernt er von dem Creützwort dem heyl  
ligen Euangelio/rechtgeschaffne casteyung des leybs/  
wie er den mit messigem futter/mit zeytlicher arbeyt/vñ  
vernüfftigem wachen/den Alten Adam/das ist seyn  
schalckhaffte natur vnd synlicheit/sol schwächen vñ  
fellen/dem geist vnderhängig zü machen/wellicher dem  
fleysch alle zeyt wider ist/mit disem aber (merck hie ebe)  
thut der Christen mensch nicht anders/dan das er den  
übrigen vnglauben/ auß den glydern treybt vnd ver  
jagt/Auff das endlich auch der leyb/wie die seel/durch  
den glauben gerainiget werd/vnd also der ganze men  
sch/ein Newgebornes kindlein vnd recht geteufft (nach  
dem er yetz den glauben durch sein eygen verstandt be  
kandt/das dan die recht krafft des Tauffs ist) müg wo  
nen auff dem Erdrich des lebens/vnd alda das Liecht  
der heyligen Trieltigkayt/yn wunnen vñd freüden  
mit andern mitgenossen/anschawen alleyn got zü lob/  
vnd nie auß dem verdienst der werck wie Mönich vñd  
Nunnen ic.

D

Wā merckt  
die freyden.

Christi Sta  
tuten.

San man wayß als pald/ die verhengung des wil:  
lens/ verhanden ist gewest/ von sundan hat geuolge  
der kauff/ des zwangs/ das auß dem volo ein opitet ist  
gemacht worden/ wellich er nit hat wellen der hatt müs:  
sen/ vnnnd ee ainer yn der verwilligung seyn vermügen  
vnd krafft hat inen worden vnnnd die empfunden/ ist er  
schon verstrickt gewest. Als ist aber yn diser handlung  
ein abenteuerig gesindt/ ayner trinckt gern weyn/ dem  
andern ist er zu wider/ vñ als x enig man der findt/ die  
den weyn nit riechen mügen geschweygen trincken/ vil  
weniger findt man / den getzympt oder gar nicht ver:  
mögen gesetzte / gestracte gewonheyt der zeyt/ yn der  
verpindnuß der gleyfenden werck/ Das Christus vnser  
Hauptman wol gewist hatt. Darumb gab er dysen  
stucken - das ymerlich oder eüsserlich yn wercken ( dar:  
auff man vil part ) gehandelt mag werdenn / kayn  
benante zeilstund oder Jar. Warumb er wiste wol das  
dys an ym stunde vñ nicht yn vnns/ wann eyn yedwe:  
der mag betrachtenn/ was dys für werck! sindt die mit  
zwang verbracht werden/ das Gottes maynung nye  
gewest ist / was wellen hye all Statuten Mayster sa:  
gen? Wann Christus war darumb zu der stauppen ge:  
hawen / das wir das frey vngewungen nit mochtenn  
verbringen/ vnnnd noch / wer wil sich dann das gedun:  
gen/ gezwangen vndersteeñ? welliches noch vnmüg:  
licher ist / Wer hye versteeñ wil der thū die Din auff:  
wann wir sindt verpunden vnnnd sindt nicht verpun:  
den/ wie das? Die liebe Gottes pindt vnns / Die Sta:  
tuten lösen vnns / dann die lieb Gottes wirckt es als/  
Wann warumb sy ist Got selb/ warumb lösen die Sta:  
tuten? Darumb das sie yn ynnen pinden das mir nit  
vermögen. Von wann kumbt aber die losung her vonn  
Christo endtlich / secht dann zu/ Will man aber ye/ die  
erlösung durch menschenn werck sūchenn / So Rade

Ich man Creützig aller Bapst Sun (so anderst die se-  
ligkeyt yn den Statuten stet) Darmit wir auch von  
disen erledigt werden. Wann Christus der aynig Sun  
Gottes müst vmb dis willen der überrettung halb der  
Statuten seines Vatters vō vns - daran vnd die haut  
darumb geben. Nun hat der Bapst vil tausent seyner  
Sün/Last sehen wellicher vnns also lieb hab/der auch  
für vnns sterben well - darmit wir frey wurden/von der  
Menschenn gesetzt die gestracks wider Gottes leere  
sindt. Ich wayß das es Karsthanns gern thet / wenn  
geholfen wär darmit - so hatt es eynen mangel/er yst  
nit geweycht dartzu/es müß eyn geöltter vnd geschmier  
ter seyn/die weyl sie sagen sie sitzen an Gottes stat/so  
besorgich mann werdt yr Kaynen funden /sy wurden  
ee Pabst vnd Statuten vnd alle werck verleüctnen/  
Wie Petrus Christum / Sie weyl dann nyemandt  
vmb dysen vnnwarheyt willenn der Statuten begert  
zū sterben / so ist es warlich eyn zaychen/das vnser se-  
ligkayt nit daryn stet/erdicht vnderlogen müessen  
seyn / vonn wegen der Tewtschen geldt/vnd zū erhö-  
hen yr Keych / Darumb wellicher Papist hye lust  
hett / vmb yrer warheyt willenn/ das pluet zū vergies-  
sen/oder dise Statuten verthädigen/wie Sanct Pau-  
lus Christum/ der hete zeyt / wann das Ende christlich  
Keych wurdym vier vnd swaynzigisten ein endt ha-  
ben/ob ich aber etlichen zū scharff wer/mein angezeyg-  
te mainung nit eingieng/oder verstundē/die fragen ire  
aygne gewissen / nemen yre werck zū hilff/vnd geben sie  
anßlicht/ mit gschrifft/ mit mit fewr vnd schwert/ sunst  
geben sie yrem gewalt einen pösen scheyn/ich laß yetz zū  
rwe/Wan wayß layder zūvil/wie sie yetz Tyranisirn/  
vnd got trutzlich pochen / das alles an inen/ wirdt auß  
geen / dan sie jr Creütz & verdammnis süchen/dz last eüch  
nit erschrecken/es ist aller erst vñ den wurff geworffen.

Creützigung  
aller Papis-  
ten.

Johan. 18

Des Ende-  
christlichen  
Keychs  
Ende.

Wer Ihesum Christum den gecreüzigten also an-  
sicht vñnd seyn heyliges Creützwort also hört/der müß  
sich an zweyffel an ym bessern vñnd mit ym von allen  
sünden aufersteen / wie dann alle gütte Christen vñnd  
recht Euangelisch lewt züthun pflegen / Wir dem yetz  
souil vonn Christo/das er sey gesagt zü einer auferste-  
hung/wie erstlich auch zü dem fall.

Darumb wöllen wir den hymnischen Vatter also  
vmb vnser täglich brot bitten / das er vns durch seynen  
Sun Christum vnsern schülmayster/seinen göttlichen  
willen wol lern/auch durch den selben krafft vñ macht  
verleyhen/den zü volbringen/darmit wir nit an Chri-  
sto anstossen vñnd fallen/Sunder mit ym von den sün-  
den also aufersteen das wir nymmer wider fallen / ym  
stracks vñnd auffgericht / yn yhennes Leben mügen  
nachfolgen.

Dañ wirt es als ein endt nemen/müe vñ arbeyt auf-  
hörn/vmb nichteweytter sorg tragen/welliches wir hye  
nit vmbgeen mügen/Darumb sey **L. L. W.** Manlich  
es ist noch vñ ein kurtze zeytzüthün/Es ist aber nit wol  
zü volfürndz jr eüch solt richtē nach aller welt köpff/ es  
ist auch nit möglich/allein halt ewr pindnuß/das jr es  
trewlich maine / ob es schon nit als gescliffen kan zü-  
geen/darn ich waiß kein thun als groß auf erdrich yetz  
nit/darñ man eer den vnrechtē weg spürt/als in d'lieb-  
dzist yn der handlūg des Euangeli/Es dar im auch **L.**  
**e. w.** diß nit für ein gering Creütz achtē/zü regirn die ge-  
main/was sorg / anschleg / gefarlichkeit/nachred/scha-  
dens/versaumnuß yedliches in sunderheyt / yn seinem  
ambt vñnd standt/da zü gewareren ist/schmecken die nit  
diees nit versücht haben/das mich man vñ ein Radt  
herzen/als vmb ein beychtuatter/bede seer verdrossen-

Aber dennoch ist die freude hie zu suchen, das diser sorg  
Elich standt der Obrkeyt / meer ergründt ist yn der ge-  
schrifft weder der ander / So sie auff das orn trawen vñ  
auff den füllen beytel wellen dungen / Es ist auch das  
ambt seer kuglig / das maniger der ym nach rinngt /  
durch diser Ere / ein grossen last der sorg auf yn lett / der  
er gern widerumb loß wurd.

Es hilfft aber nicht es muß gestritten sein / das Creütz  
ist eüch auffgelegt / daruon S. Pauls zum Römern am  
13. schreybe / das die gehorsam / wellich E. E. W. vö der  
gemain erzeygt / nie von Ewrn wegen geschicht / Ein  
der auß Gottes beuelch / vnd dem selbigen zu Eyn / Also  
sol herwiderumb E. E. W. handeln / nie vmb der Ere  
oder nutz willen / oder gelobt dardurch zu werden / Ein  
der gote zu preysen / vnd durch die schuldig Brüderlich  
lieb alle gesatz erfüllen / So yr dem also thun werdt / als  
wir vns yn dem Kleinen hauffen versehen / dem anfang  
ein güte endt geben / wirt Got sein genad geben / nach di-  
sem müeselligen leben das ewig. A W E N.

Ceterum que dico vobis: Omnibus  
dico: vigilate. Mar: 13.

Gedruckt yn der Fürstlichen Stat Zwickaw durch  
Georg Gastel / des Schönspergers diener von  
Augsburg. Im Tausent Fünffhun-  
dert vnd im vierundzweytzig-  
sten Jar.

D iij

Faint, illegible text at the top of the page, possibly bleed-through from the reverse side.

Second block of faint, illegible text, continuing from the top section.

Third block of faint, illegible text, appearing as a distinct section.

Fourth block of faint, illegible text, located in the lower middle of the page.

A small, faint mark or signature at the bottom left of the page.





Arje 5944

X2207754

m. c.




Inches 1 2 3 4 5 6 7 8  
Centimetres 1 2 3 4 5 6 7 8

B.I.G.

Farbkarte #13

Blue Cyan Green Yellow Red Magenta White 3/Color Black



Ye  
5944

bericht an  
wege vrer wunder  
nerhorten hand  
ngetzeygt werden.  
pösen Christen.  
egen Gottes  
ten. Anno  
D. S.  
MIII.

in Locher von  
chen.

